



Broj: 10/1-34-36774-7/25

Datum: 19.3.2026. godine

Na osnovu člana 31a. stav (1) tačka a) Zakona o visokom obrazovanju – prečišćeni tekst („Službene novine Tuzlanskog kantona“, broj: 21/21, 22/21, 5/22, 11/22, 16/22, 2/25 i 14/25) i člana 32. stav (1) Pravilnika o postupku akreditacije visokoškolskih ustanova i studijskih programa prvog, integrisanog prvog i drugog i drugog ciklusa studija („Službene novine Tuzlanskog kantona“, broj: 2/26), u postupku rješavanja po zahtjevu JU Univerzitet u Tuzli za institucionalnu akreditaciju, broj: 01-7416-1/25 od 13.10.2025. godine, Ministarstvo obrazovanja i nauke Tuzlanskog kantona (u daljem tekstu Ministarstvo) donosi:

RJEŠENJE **o institucionalnoj akreditaciji**

- 1. Akredituje se Javna ustanova Univerzitet u Tuzli (u daljem tekstu: Univerzitet u Tuzli).**
- 2. Univerzitet u Tuzli je ovlašten da dodjeljuje akademske titule, zvanja i izdaje diplome koje se stiču izvođenjem studijskih programa na ovoj ustanovi.**
- 3. Rješenje o akreditaciji izdaje se na period od sedam godina, počev od 5.4.2026. godine.**
- 4. Obavezuje se Univerzitet u Tuzli da najkasnije šest mjeseci prije isteka roka iz tačke 3. ovog rješenja podnese zahtjev za ponovnu akreditaciju.**
- 5. Ovo rješenje stupa na snagu danom donošenja.**

OBRAZLOŽENJE

Univerzitet u Tuzli je podnio Ministarstvu zahtjev za institucionalnu akreditaciju. Podneseni zahtjev Ministarstvo je zaprimilo pod brojem: 10/1-34-36774/25 od 13.10.2025. godine. Ministarstvo je nakon toga dokumentaciju dostavljenu od strane Univerziteta u Tuzli aktom broj: 10/1-34-36774-1/25 od 15.10.2025. godine, dostavilo Agenciji za razvoj visokog obrazovanja i osiguranje kvaliteta BiH (u daljem tekstu: Agencija) sa prijedlogom za imenovanje članova Komisije stručnjaka za institucionalnu akreditaciju (u daljem tekstu: Komisija).

Nakon što je Agencija utvrdila da se predloženi članovi Komisije nalaze na Listi stručnjaka iz člana 48. alineja 3.) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09 u daljem tekstu Okvirnog zakona), te da je predloženi broj i sastav Komisije u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, broj 100/11 i 26/19), Agencija je u skladu sa članom 49. alineja 4) Okvirnog zakona, imenovala Komisiju Rješenjem broj: 05-33-1-597-2/25 od dana 7.11.2025. godine.

Komisija je u skladu sa Planom i programom posjete predmetnoj visokoškolskoj ustanovi, realizirala posjetu 22. i 23.12.2025. godine te nakon toga sačinila Izvještaj o eksternoj evaluaciji.

Dana 25.2.2026. godine Agenciji je dostavljen Izvještaj Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o institucionalnoj akreditaciji (u daljem tekstu: Izvještaj).

U skladu sa Odlukom o normama, Komisija je ocjenila ispunjenost svih deset kriterija kao potpuno ili znatno ispunjeni, kako slijedi:

- a) Politika osiguranja kvaliteta: potpuno ispunjen,
- b) Izrada i odobravanje programa: potpuno ispunjen,
- c) Učenje, podučavanje i vrednovanje usmjereni na studenta: potpuno ispunjen,
- d) Upis i napredovanje studenata, priznavanje i certificiranje: potpuno ispunjen,
- e) Nastavno osoblje: znatno ispunjen,
- f) Resursi za učenje i podrška studentima: potpuno ispunjen,
- g) Upravljanje informacijama: potpuno ispunjen,
- h) Informisanje javnosti: potpuno ispunjen,

- i) Kontinuirano praćenje i periodična revizija programa: potpuno ispunjen,
- j) Periodično vanjsko osiguranje kvaliteta: potpuno ispunjen.

Univerzitet u Tuzli bi trebao po prijemu Rješenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvati imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima, vremenski okvir za realizaciju preporuka kao i potrebne finansijske i ljudske resurse, te definisane mjerljive indikatore za praćenje realizacije Akcionog plana.

Na osnovu Izvještaja i mišljenja Komisije da Univerzitet u Tuzli ispunjava propisane uslove za akreditaciju, direktor Agencije za razvoj visokog obrazovanja i osiguranje kvaliteta BiH dao je Preporuku o akreditaciji broj: 05-33-1-567-5/25 od 18.3.2026. godine i istu dostavio Ministarstvu na daljnje postupanje.

Na osnovu naprijed navedenog, Ministarstvo je cijenilo da su ispunjeni svi propisani uslovi za izdavanje institucionalne akreditacije za predmetnu visokoškolsku ustanovu podnositelju zahtjeva, te je donijelo odluku kao u dispozitivu.

Pravna pouka: Rješenje o akreditaciji je upravni akt protiv kojeg nije dopuštena žalba, ali se može pokrenuti upravni spor pred nadležnim sudom.

DOSTAVLJENO:

- 1 x JU Univerzitet u Tuzli
- 1 x Agenciji za razvoj visokog obrazovanja i osiguranje kvaliteta BiH
- 1 x Evidencija
- 1 x a/a
- AM/AM

